

PILIPAY **Pol Pilipay Binib Kilop Mij Tikak**

1 Yad Pol. Timoti chilminjal bi Klays Jisas nop wog giñeb ne midobul. Pen miñil chil nibop mij tikobul. Nibi Pilipay binib God yil midil, Klays Jisas nop chig tep gil midebim okok sek, nibi biawl okok Klays binib ne okok kilop kod midebim okok sek, nibi Klays binib ne okok kilop wog giñeb okok sek, nibop midupsek mij tikobul. **2** Bapi God chin ayip Biawl Jisas Klays ayip, bi apilminal anib ak nibop yimug niñid gitep gel midtep ginimib.

*Pol ne Pilipay binib okok kilop gos nigilig God
nop agnigup*

3-5 Nibi Klays nop dipek ñin ak tikil, yip giñem yad takaw teplep ak binib okok kilop agñi dad apil, chin jimñil wog gil agñilig nep midobun. Anib ak yad nibop pel gos nigilig God nop tep apin. Pen God nop aginig, nibop gos nigen yip tep gek nop agnepin. **6** Yad anib ak gos nepin, God tikjakil nibop dil wog gitep gup ak, ma keliginigab. Nibop kod mid dad amil, Klays Jisas ownigab ñin ak wog anib ak gjunigab.

7 Yad nibop mapen yibil lil, gos tep nigilig midebin. Yip nag lel midebin akan, takaw teplep ak, takaw niñid yibil mideb binib okok kilop agñi tep gil kiles gil apin ak, God yip yimug niñid gitep gek wog ne kiles gil gebin. Pen nibi yip gos niñid

giñem, chin ayip jimñil wog gobun. Anib ak tek, gos teplep yad won ak nibop nepin ak, teplep yibil. **8** God ne nigup, Klays Jisas chib nigep ne ak yip gek, nibop nigin agil pel gos kiles gil nepin.

9 God nop agnigen ne gek, mapen lep ak nib ayip midil, amil amil nonim ken amnimun. Pen gos teplep nibi amil awl ken amil, gos timud nibop yikinigab. **10** Anib ak tek, bi okok tap ginigel okok midupsek yigilil nigtep gil, teplep pal ak niñid kidek ginigabim. Pen Klays ownigab ñin ak, God nigek nibi binib yipid gil yenigabim, gach olap ma yenigab. **11** Pen Jisas Klays nibop kod midakniñ, gitep yibil ginimib. Gitep yibil ginimib ak nim, binib okok kili niñid, God nop yib awl yibil agil yib nop ak dad aplanigabal. Anib ak nibop gos nigilig God nop agnepin.

Polnop nag lelyek ak pen, Jisas takaw ne ak amil nonim ken amub

12 Pen mam ay sikop nigim. Tap yip gipal anib okok, takaw teplep ak ma tibilikipal. Mel yibil. Yip anigipal tek, takaw teplep anib ak amil nonim ken amub. **13** Yip anigelak nim, bi chim kadiñ gep kili Lom gapman binonim* kal ne kod midebal okok sek, binib yokip okok sek, kili midupsek nepal, yad Klays wog ne ak gen niñid yip nag lipal. **14** Pen mam kuñay, bi oginap yip nag lel midebin ak niñid, yip gos nigilig midebal. Anigil gos nigel, Biawli ne

1:8 Lom 1.9, 2 Ko 1.23 **1:9** 1 Te 3.12, Plm 6 **1:10** Lom 12.2, Epe 5.10, Plp 1.6, 2.16, 1 Te 3.13, Hib 5.14 **1:12** 2 Ti 2.9 **1:13** Apo 28.30, Epe 3.1 * **1:13** Lom binib okok, kili gapman binonim kili okok midupsek kilop Sisal ageligipal.

kilop gek gos sek midil, ma pilikil God takaw ne ak monmon agñebal.

15 Niñid yibil, bi oginap yip nigel chibol kilop ak timel gil milik yapek, Pol nop gi timel ginigel agil, God takaw ne ak agñibal. Oginap pen, gos yipid gil niñid God takaw ne ak agñibal. **16** Bi gos yipid gil nepal anib okok kili nepal, God ne yip aglek, takaw teplep ak agñi tep gil kiles gil agñen yip nag lipal. Anigil niñid, yip mapen lil takaw teplep ak agñibal. **17** Bi kilop ned apin okok pen, kili yib awl dinig Klays takaw ne ak agñibal. Gos yipid gil ma niñid anigipal. Kili Pol nag lil mideb ak mid timel yibil ginimuñ agil gos niñid, Klays takaw anib ak agñibal. **18** Pen ak takaw ma mideb. Oginap gos timel nepal oginap gos tep nepal ak pen, midupsek Klays takaw ne ak agñibal. Agñel okok ameb ak nigen, yip tep yibil gup.

Klays ayip nep yenigayn

19 Yaw, yip tep yibil gup. Yad nepin, nibi God nop agnigilig midem, Jisas Kawnan ne ak yip kiles nil kod yek anib ak tek, yip yokip wisib yokel amnigayn. Anib ak yip tep yibil gup. **20** Anib ak tek, gos awl yad ak, tap olap gi timel gil tek nebeñ ma dinigayn tek lup. Mel yibil. Miñil abe kidek abe, kiles timel gil wog teplep nep ginigayn agil gos nepin. Anib ak yad minek minek gitep gipin. Pen yad kumnigayn akañ, koñim yenigayn ak, tap yad ginigayn okok midupsek Klays nop yib awl ñinigayn. **21** Yad nepin, koñim yenigayn, Klays ayip midil wog nop giñinigayn. Pen kumenigayn,

tap teplep yibil dinigayn. **22** Yad pen lum awl konjim midil nim, Klays wog ne oginap sek ginim tek linigab. Anib ak taydinim yad ma nepin. **23** Gos yip omijal owup. Kumil am Klays ayip miden, yip tep gipikop ak nim, yad amnim agil gos nepin. **24** Yad pen nibop kod midil gitep ginig, lum awl nep midenim. **25** Anib ak yad ke nepin, ma kumnigayn, nibi ayip yonigabun. Midil yad nibop gen, Klays nop gos liniqid nonim ken amilic, miñmiñ gilig yenigabim. **26** Yad anigen nim, nibi yenigabim ak tepayan amjakinigayn, nin anib ak yip nigem nibop tep gek, Klays Jisas nop chigil yib nop ak dad aplanigabim.

Kili yul dil koslam midebal ak pen, God kilop gitep gup

27-28 Pen tap awl anigil mideb, nibi Klays takaw teplep ne ak agup nep tek nigtep gil, yipid gil yibil kidek ginimib. Anigenigabim, yad apil nibop niginigayn akañ, okol miden nibi tay dinigabim takaw ak apek niginigayn ak, yad anib niginim, nibi kiles gil jak midil, jimñil yenigabim. Pen niginim, binib oginap nibop gi timel ginigabal ak, kilop niqid nibi midupsek gos timud nokom liniginigabim. Liniqid, jimñil midil Klays nop gos nigep ak kiles gil dil kidek ginigabim. Pen abe niginim, nibi binib nibop gi timel ginigabal anib okok niqid, ma pilikinigabim. Ma pilikem kili niginigabal, kili ke kul ginigabal ak pen, God ne ke nibop tig asik dinigab. **29** God nibop dil gitep gek, Klays binib ne midebim. Klays yil midil, nop gos

linigem binib nop ma dipal okok kili nibop gel yul dil koslam midebim. ³⁰ Anib ak yad bine miden niqid, timel gipal tek, nibop gebal. Nibi ayip miden yip timel gelak, koslam yeligipin ak neppek. Miñil abe, yip timel gipal tek, binib oginap nibop agñel nepim.

2

Mam ay okok ayip jimñil midil, kilop gitep ginimib

¹ Klays nibop gek gos sek midebim. Ne nibop mapen lek gos kuñay ma niqid midtep gebim. God Kawnan ne ak nib ayip jimñil midebim. Mam ay okok kilop mapen niqid gitep gebim. Takaw anib anep midupsek mideb, ² anib ak tek nibi gos nokom niqid, jimñil mapen linimib. Pen chin ayip tap nokom ginigun agil gos niginimib. Anigem, yip tep yibil gek miñimiñ ginigayn. ³ Nibi gos chin ke niqid kidek gil, chin nep binib awl yonigun agil gos ak ma niginimib. Nibi pen, binib tam okok tek midil, binib okok yib kilop dad aplanimib. ⁴ Chin ke midtep ginigun agil gos ak ma niginimib. Binib okok abe midtep gilan agil gos ak niqid, kilop gitep ginimib.

Klays ne apil bi wog giñeb tek yek, yib nop dad aplanub

⁵ Klays Jisas ne gos nigak tek ak, nibi gos anib ak nep niginimib. ⁶ Ne God yek tek yek ak pen, yad

1:30 Apo 16.19-40, Plp 1.13, Kol 2.1, 1 Te 2.2 **2:3** Lom 12.10, Gal 5.26, Epe 5.21, Plp 1.15-16, Jem 3.14 **2:4** 1 Ko 10.24, 10.33, 13.5

2:5 Mat 11.29, Jon 13.15, 1 Pi 2.21, 1 Jo 2.6 **2:6** Jon 1.1-2, 5.18, 10.33, 17.5, 2 Ko 4.4, Kol 1.15, Hib 1.3

God yib awl ne ak dinim agil gos ak ma nigak. ⁷ Ne ke God yek tek ak keligil, bi wog giñeb tek yek. Bi silokek, binib okok kili nop nigilak, ne ke bi yibil yek. ⁸ Yib ne ke dad ma aplanil, God agak tek nep gi dad amil, mid dad amil kumak. Mab bak alan chipil pak tibik lel kumak. ⁹ Ne anigak anib ak tek, God Jisas nop dad aplanil, yib nop dad adek awl alan aplanak. Pen yib teplep yibil olap nop agek, kiles awl sek yib awl adek alan sek dak. ¹⁰ God ne Jisas nop yib awl anigil agak ak nim, kili God man ne alan midil, lum awl midil, lum muk okok midil ginigabal okok, midupsek kigom yimil nop agniginigel. ¹¹ Agnijid, midupsek agyikil aginigel, Jisas Klays ne Biawl mideb aginigel. Anib agel, Bapi God yib nop dad aplanimun.

Chin lum awl milek tek yonigun

12-13 Anib ak bogilak tep yad okok. Nibi ayip midil, takaw agen pel niñid kidek geligipim tek, miñil okol midebin ak, abe ginimib. Chin nopun, God ne nibop tig asik dil, nibi nab okok peñlep goligup. Ne ke nibop gos tep ne ak ñil, kiles ñakniñ, nop tep ginigab ak gun agil gipim. Anib ak nim, nibi jel gek pilikil wog kiles gil gi midem, God nibop tig asik dinigab ak, ne nibop gek anib ak dinigabim.

2:7 Jon 1.14, 2 Ko 8.9, Gal 4.4, Hib 2.14, 2.17 **2:8** Mat 26.39, 26.42, Jon 10.17-18, Lom 8.3, Hib 5.8, 12.2 **2:9** Jon 17.1-5, Apo 2.33, Epe 1.20-21, Hib 1.3-4

2:10 Ais 45.23 **2:11** Jon 13.13, Apo 2.36, Lom 10.9, 1 Ko 8.6

2:12-13 Sng 2.11, Jon 15.5, 1 Ko 12.6, 15.10, 2 Ko 3.5, Epe 6.5, Plp 1.5, 1 Te 2.13, Hib 13.21, 1 Pi 1.17

14-16 God gos ne anigil mideb, nibi ñapay ne teplep yibil yenimib. Binib suntep takaw ma mideb okok midil, tap timel olap nab nibi ma yenimib. Pen takaw pel midep ak kiles gil dinimib ak nim, gap pogilin wisip alan milek gup tek yenigabim, binib lum awl nab okok. Binib anib okok, kili gitep gep ak kelgil, pel gi timel yibil gipal. Anib ak tek, tap okok midupsek ginigabim ak, kimigel midil ginimib. Takaw kunjay ma agil, takaw penpen ma aginimib. Anigenigabim, Klays adikid ownigab nin ak, nibi gitep gipim ak gos nigen yip tep yibil ginigab. Pen yad anib niginigayn, wog awl nibop nab okok gitep gipin ak, yokip ma gipin. Takaw apin anib anep dipim.

17 Nibi Klays nop gos linepim ak, gos anib ak God nop tap sibog ñeb tek gipim. Pen yad ma nepin, yip paklel kumen, nikim yad soginigel tek lup akan? Anigenigabal, nikim yad ñig wayn sibog ñinigel tek dil, tap nibi God nop sibog ñibim ak sek dil, omijal gil sogenigel, yip tep gek miñmiñ ginigayn. Yad nibi ayip midupsek miñmiñ ginigabun. **18** Pen tap okok aniginigab ak ninid, abe miñmiñ gilig tep gaknij yenimib. Nibi yad ayip miñmiñ ginigabun.

Pol ne Timoti nop agyokek, Pilipay amnigab

19 Biawl Jisas yaw agenigab, ñin wulep Timoti nop agyoken am nibop niginigab. Ninid adikid apil, nibi titay dil midebim takaw anib ak agek, yip tep ginimun. Yip anigil aginimun agil, nop agyokinigebin. **20** Timoti ne nokom yad gos nepin

2:14-16 Lo 32.5, Ais 49.4, Dan 12.3, Mat 5.14-16, 5.45, 10.16, Lom 14.1, 1 Ko 10.10, Gal 2.2, Epe 5.1, 5.8, Plp 1.10, 1 Te 2.19, 3.5, 1 Pi 2.12, 4.9 **2:17** Lom 15.16, 2 Ti 4.6 **2:18** Plp 3.1, 4.4

tek nigup. Yad nibop yimug nepin tek niñid, kilop giñinim agil pel gos nigup. ²¹ Bi oginap, kili midupsek tap kili ke nep gos niñid, Jisas Klays tap nop ak gos ma nepal. ²² Timoti ne pen yip kodek, bi apilminjal tek takaw teplep ak agñil wog gipul. Anib ak ne bi tep yibil midil wog gittep gup ak, nibi nepim. ²³ Anib ak pen yip titay dinigab ak kod midil niginigebin. Nigjuwil, won anib ak nop agyoken am nibop niginigab. ²⁴ Pen yad anib ak nepin, Biawl ak yip kod midaknij, wulep mideb yad abe apil nibop niginigayn.

Pol ne Epaploditus nop agyokek, Pilipay amnigab

²⁵ Pen yad nepin, mam Epaploditus nop agyoken, adikid am nibop niginimuñ. Ned nibi nop agyokem yip giñinig owak. Apek, chil bi chim kadiñ gep tek midil, God wog ak jimñil gipul. ²⁶ Miñil pen ne nibop nigin agil pel gos kiles gil nigup. Pen ne nigup, nop tap gup agel nepek, anib ak chibol yul awl yibil nigup. Anigek, yad nop agyoken am nibop niginimuñ. ²⁷ Niñid apun, nop tap awl gek kubikop ak pen, God ne nop mapen nigak. Pen nop nokom mel, yip abe mapen nigak. Ne kubikop ak, yip miñel awl yibil gaknij midebinep ak nim, nop gek ma kumak. ²⁸ Anib ak Epaploditus nop agyokin agil gos nokom niñid, agyoken amjakek nop niginimib. Nop niñid, tepayan miñmiñ giñimib ak nim, gos kunjay nepin tek ma niginim. ²⁹⁻³⁰ Nibi yip giñinig gos nigliq

2:21 1 Ko 10.24, 10.33, 13.5, 2 Ti 4.10, 4.16 **2:22** 1 Ko 4.17, 1 Ti 1.2, 2 Ti 1.2 **2:25** Plp 4.18 **2:29-30** 1 Ko 16.16-18, Plp 4.10, 1 Ti 5.17

yeligi pim ak nim, nop agyokem yip owak. Apil wog gil, Klays wog ne ak gil kumnig gak. Niñ anib ak yad ke midtep ginim agil gos ma nigak. Yip giñinig owak wog anib ak nep gos nigak. Miñak awl gak ak pen, miñak gos ak ma ninjed pel wog kiles gil gak. Anib ak tek ne amjakek, mam chin Biawl yil ayip midobun agil, nop miñmiñ gilig ag dideg linimib. Ne ayip, bi kili ne wog gitep gup tek gipal okok ayip, kilop yib awl linimib.

3

*Bi Klays nop gos linigup ak, God ne agek bi anib
ak suntep yenigab*

¹ Mam ay yad okok, takaw agjunig nibop anib agebin, Biawl yil midebim tek miñmiñ ginimib. Takaw nibop ned nu kil tikinek ak, tepayan kil tiken agen yip minel ma gup. Tepayan kil tiken tap timel nibop ma gek midtep genigabim nim, miñil nibop kil tikebin.

² Bi oginap tap timel yibil gil, chen ladek tek midebal okok, nibi gos nigtep gil kilop asik tep ginimib. Bi anib okok, kili Yislel binib pel geligipal tek kidek gil, wak chin tibilikinigun agil gos nepal.* Nibi pen gos nigtep gil kilop asik tep ginimib. ³ Chin pen, bi wak tibilikipal tek midil, God binib ne yipid gil midobun. God Kawnan ne ak chinop gek God

3:1 2 Ko 13.11, Plp 2.18, 4.4 **3:2** Sng 22.16, 22.20, Lom 2.28,
2 Ko 11.13, Gal 5.2, 5.15, Lep 22.15 * **3:2** Bi oginap binib okok kilop anigil apal, Nibi Klays binib ne yenigabim, Yislel binib pel gipal tek kidek ginimib apal. Bi okok wak kilop tibilikinimib apal. Pol ne bi anib okok ninjed, takaw kili takaw timel agebal agil, Pilipay binib okok kilop agak, Nibi gos nigtep gil kilop asik tep ginimib agak.

3:3 Lom 2.29

nop kigom yȋmil agnopun. Chinop tep gek Klays Jisas yȋb nop dad aplanibun. Bi wak kili tibilikipal ak, tap anib okok chinop gek God binib ne yȋpid gil yonigun tek ma lup ak nim, gos niñid kidek ma gȋpun. Anib ak chin nopen, bi wak tibilikipal tek midil, God binib ne yȋpid gil midobun. ⁴ Pen bi okok wak tibilikon akan tap gitep gon, chinop gek God binib ne yȋpid gil yonigabun, yad midtep yȋbil ginigayn. Yad wak tibilikipal akan tap gitep gipal takaw ak aginig, abe apinep. ⁵ Yȋp tikil ñin anep kugul ak midil, wak ak tibilikilak. Yad bi Yislel yȋpid gil, bi based Bejamin jij ak nim midebin. Yad Hiblu takaw ak pel apin, nap nised abe ageligipal. Pen yad bi Pelisi yenek tek, Mosis takaw ñu kil tikak ak midupsek nigtep gil kidek geligipin. ⁶ God wog ne ak nȋg dad amil kiles timel ginig, binib Jisas yȋl okok kilop gȋ timel yȋbil geligipin. Takaw Mosis ñu kil tikak ak, sikol sikol keke apun okok nigtep gil kidek geligipin tek, bi okok yȋp pen aginigel tek ma laki.

⁷ Tap anib okok ned geligipin ak, tap awl yȋbil yad yȋb awl dipin agil gos nȋginek. Miñil pen Klays yȋp giñub ak niñid nop chigin agil, tap geligipin anib okok midupsek tap yokip yȋbil mideb agil gos nepin. ⁸ Pen tap geligipin anib okok nep mel, tap anib okok midupsek nȋgen, tap yokip yȋbil mideb. Klays Jisas Biawl yad mideb ak, yad nop nigtep gȋpin. Gos anib ak nep tap niñid yȋbil mideb. Anib ak tek tap yokip anib okok, midupsek tap dayday tek lek agil pisnep keligil, Klays nop nokom kidek

3:4 2 Ko 11.18, 11.21-29 **3:5** Luk 1.59, Apo 23.6, 26.5, Lom 11.1,

2 Ko 11.22 **3:6** Apo 8.3, 22.4, 26.9-11 **3:7** Mat 13.44-46 **3:8**

Jer 9.23-24, 1 Ko 2.2, Kol 2.2

gil chiginim. ⁹ Chigil, nop yil pisnep midenim. Mosis takaw ñu kil tikak ak kidek gen amnimun, yad God yip nigek bi suntep midenim agil gos ma nepin. Mel yibil. Klays nop gos linigen amnimun, yad God yip nigek bi suntep midenim agil gos nepin. Yad Klays nop gos linepin ak nim, God ne gos anib ak niñid agek, yad bi suntep midebin. ¹⁰ Klays nop nigtep gin agil nepin. Ne kumil tikjakil, kiles awl mideb ak nigtep gin agil abe nepin. Pen minel awl dilig midtep gak ak nigtep gin agil abe nepin. Ne kumak ñin ak gos anib niñak ak, yad abe kumnim tek lup agil gos anib nepin. ¹¹ Anigenigayn, God ne gek yad tepayan tikjakinim agil gos niñid kod midebin.

Pol ne yad am God yil yenim agil gos niñid gek amub

¹² Yad Klays ne gup tek silok lil, bi suntep yibil midebin agil gos ma nepin. Mel yibil. Jisas Klays pen ne yip giñinig chichik dup tek, minek minek yad ne gup tek kiles timel gil chichik debin. ¹³ Mam ay sikop, yad anigil gos nepin, Klays ne gup tek yad abe ginim. Pen gos nokom olap nepin, tap ned geligipin okok keligin, tap kidek ownigab okok, yad wog kiles timel gil tap anib okok dinigayn. ¹⁴ Yad kiles timel yibil gil anib siñak amjakin agil gos nepin. Anib siñak amjakil, tap teplep din agil gos nepin. Pen tap teplep anib ak anigil mideb, Klays

-
- 3:9** Lom 3.21-22, 9.30, 10.3-6, Gal 2.16 **3:10** Lom 6.3-5, 8.17, 2 Ko 4.10-11, Gal 6.17, 2 Ti 2.11-12, 1 Pi 4.13 **3:11** Luk 14.14, Apo 4.2, 1 Te 4.16, Lep 20.5-6 **3:12** Apo 9.5-6, 1 Ti 6.12, 6.19, Hib 12.23
3:13 1 Ko 9.24-26, 2 Ko 5.16, Hib 6.1 **3:14** 1 Ko 9.24, 2 Ti 4.7-8, Hib 3.1, 12.1

Jisas wog ne gek, God ne niñid yip suk agek, yad anib alañ amil ne ayip midtep ginigabul.

15 Chin binib God nop chig tep gil gos nigtep gipun okok midupsek, gos anib ak tek nep niginigun. Pen gos nib ke oginap niginigabim tek, God nibop gos yipid gil nep ñinigab. **16** Pen gos tep niñid dipun okok pisnep dil, nigtep gilig gon amnimum. Gos nim ak tap awl yibil mideb.

17 Mam ay sikop. Yad gipin tek ak midupsek, nibi kidek ginimib. Pen bi oginap chin gipun tek kidek gipal ak, gipal anib ak niñijsek lil nigtep gil kidek ginimib. **18** Nibi nepim, Jisas mab bak alañ kumak takaw ak, binib takaw anib ak pel milik nepal okok, kunay midebal. Takaw nim ak ñin kunay nibop aginek ak, miñil abe chañ lilig anib agebin. **19** Mubwak kili ke anep gos niñid, God nop keligipal. Tap gach timel gipal ak, nebeñ ma dipal, miñmiñ gipal. Pen tap lum awl pel gos nepal. Anib ak tek kili yul dil, man timel mab ke yineb ak amnigabal. **20** Pen man chin ak, God man ne alañ. Biawl Jisas Klays, ne man anib alañ nib apil chinop tig asik dinigab ak, pel kod midobun. **21** Kiles timel yibil ne ak dil gek, tap okok midupsek nop muk okok yenigab. Pen kiles anib ak dil chinop gek, mubwak ned nib kuyig yowup ak keligil, mubwak kideyil tep ne tek ak dil yonigabun.

3:15 1 Ko 2.6, 14.20, Gal 5.10 **3:16** Lom 12.16, 15.5, Gal 6.16

3:17 1 Ko 4.16, 11.1, Plp 4.9, 1 Te 1.6-7, 1 Pi 5.3 **3:18** 1 Ko 1.23, Gal 1.7, 2.21, 6.12, Plp 1.15-16 **3:19** Lom 8.5-6, 16.18, 2 Ko 11.12, 11.15, 2 Pi 2.1 **3:20** Epe 2.6, 2.19, 1 Te 1.10 **3:21** Lom 8.29, 1 Ko 15.28, 15.43-53, Epe 1.19, Kol 3.4

4

Nibi jimñil midil, miñmiñ gil, gos teplep niñid ginimib

¹ Anib ak mam ay yad okok, nibi Biawl nop chigil kiles gil yenimib. Nibi binib mapen yad okok midebim, nibop nigin agil pel gos kiles gil nepin. Yad nibi tap tep gipim ak binib okok kilop pel agñibin. Pen nibop gos nigen, yip tep yibil gup.

² Bin Yuwodiya ayip bin Sidike ayip, yad nilop kiles gil agebin. Nili Biawl nop chig tep gebil tek, gos nokom niñid, jimñil yenimil. ³ Pen nad, biyad ayip jimñil wog gipul ak, nep abe agebin. Bin ominal anib ak kilop giñe, jimñil yenimil. Bin ominal anib ak sek, bi Klemek ak sek, binib oginap sek, kili ned yad ayip takaw teplep ak jimñil kiles gil agñoligipun. God ne yib kilop pel midep mij ayan kil tikkak.

⁴ Biawl nop chig tep gebim tek, pelpel miñmiñ ginimib. Tepayan nibop agebin, miñmiñ gilig yenimib. ⁵ Biawl ak wulep apeb. Anib ak nibi binib okok kilop sayn tep yibil midem, kili niginigel, nibi anigil pel gitep gipim. ⁶ Nibop titay gek, gos awl ma niginimib. Titay ginigab ak midupsek, niñid God ayip aginimib. Nop tep agilig agniñid, chinop giñinimum agil agniginimib. ⁷ Agnigenimib God nibop gek, kimigel midtep yibil ginigabim. Kimigel midtep gil Klays Jisas nop chig tep gil yenigabim anib ak tek, chibol sayn ak sek, gos timud nibi ak

4:1 1 Te 2.19-20 **4:3** Sng 69.28, Luk 10.20, Lep 3.5, 20.12 **4:4**
 Lom 12.12, Plp 3.1, 1 Te 5.16, 1 Pi 4.13 **4:5** Hib 10.25, 10.37, Jem
 5.8-9, 1 Pi 4.7, 2 Pi 3.8 **4:6** Snd 16.3, Mat 6.25-34, Luk 12.22-31,
 Kol 4.2, 1 Pi 5.7 **4:7** Ais 26.3, Jon 14.27, Lom 5.1, Kol 3.15

sek, midtep ginigab. God ne gek kimigel midtep gipun anib ak, tap teplep yibil mideb, gos chin ak bilocep tek ma mideb.

8 Mam ay sikop, takaw olap sek aginigebin. Tap anib okok gos nigtep gil ginimib. Tap tay ninjid yibil mideb ak, tap tay binib tep gipal ak, tap tay sunjtep mideb ak, tap tay gach ma mideb ak, tap tay binib nigel tep gup ak, tap tay gipal nim binib nigel tep gup ak, tap anib okok nep gos nigilig yenimib. Gitep yibil gipal adek anib okok binib ninjid dad aplanigel ak, anib okok nep gos nigilig yenimib. **9** Takaw nibop agnen nigtep gipec ak, gos nibop nen dipek ak, takaw nibop agen nepek ak, tap nibi ayip midil gen nepek ak, anib okok nepek tek nep pelpel ginimib. Anigenigabim, God chinop gek kimigel midtep gipun ak, ne nib ayip nep midil kod yenigab.

Pilipay binib Pol nop tap nel, kilop tep yibil agup

10 Nibi tepayaq yip giñinig gos nigilig midebin anib ak tek, miñmiñ yibil gil, Biawl nop tep agebin. Ninjid apun, pel yip gos nigilig midebin ak pen, kanib yip tap ñeb ma yek, yip tap okok ma ñem owak. **11** Yad pen ñin oginap yokip midebin gos ak ninjid ma agebin. Yip titay ginigab ak, takaw ma mideb. Yad kimigel minden, yip tep yibil gilig mideb. **12** Ñin oginap tap kuñay mideb, ñin oginap ma mideb, anigup ñin ak kimigel midebin. Mideb ñin ak ñibin, ma mideb ñin ak yokip midebin, anigup ñin ak kimigel midebin. Gup anib ak tap kuñay yek

akanj, ma yek gos awl ma nepin. **13** Klays ne yip kod midil kiles nub ak nim, yad tap okok midupsek ginim tek lup.

14 Nibi pen yad minjel oginap dil midtep ma gipin ak ninjd, yip gitep gil tap nibim anib ak, tep yibil gipim. **15** Nibi Pilipay binib okok, nibi ke nepim, Masedoniya plopens keligil, takaw teplep ned agni ajelgipin nin ak, binib Klays yil yelak okok oginap yip giñil tap ma neligipal. Nibi Pilipay binib nep yip neligipim. **16** Pen amil taun Tesalonayka yenek nin ak, nin oginap tap ma yek ak yip tap neligipim. **17** Yad pen tap nen ma agebin. Nibi gitep gil tap monmon nem, God nibop tap teplep pen ninigab agil agebin. **18** Pen bi nibi Epaploditus nop tap nem, dapil yip nek nim, midtep gipin. Tap yad anib okok, miñil kuñay yibil mideb. Yip tap olap ma tek dup. Mel. Pen tap yip nebim anib ak, God nop tap kuy tep owep dagil nebim tek ak gipim. God ne tap dagil neb anib ak ninjd, tap teplep nigek nop tep yibil gup. **19** Anib ak Klays Jisas wog ne gek, God yad ak ne bi gep yibil ak nibop kod midil, tap tay tek dinimunj okok ninimunj. **20** God, ne Bapi God chin ak, yib nop ak pel pelnep dad aplanigun. Yaw.

Takaw day won oginap

21 Yad binib Klays Jisas yil midebal okok midupsek, kilop keke ag dideg lebin. Mam yad ayip midebal okok, kili nibop ag dideg lebal. **22** Binib Klays yil midebal okok midupsek, kili nibop

4:13 Jon 15.5, 2 Ko 12.9-10, 2 Ti 4.17 **4:15** 2 Ko 11.9 **4:16**
 Apo 17.1 **4:18** Kis 29.18, Ese 20.41, 2 Ko 9.12, Epe 5.2, Plp 2.25,
 Hib 13.16 **4:19** Sng 23.1, 2 Ko 9.8, Epe 1.7 **4:20** Lom 16.27,
 Gal 1.5 **4:22** Plp 1.13

ag dideg lebal. Kili oginap Lom gapman binonim
kal migan ne wog gebal okok, nibop ag dideg lebal.

²³ Biawl chin Jisas Klays ne nibop yimug ninjid
gitep ginimunj.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee